

越
絕
書

二

Z121.6

¹
(2)

越絕卷第八

越絕外傳記越地傳第十

昔者越之先君無餘乃禹之世別封於越以守禹冢
問天地之道萬物之紀莫失其本神農嘗百草水土
甘苦黃帝造衣裳后稷產穡制器械人事備矣疇冀
桑麻播種五穀必以手足大越海濱之民獨以鳥田
小大有差進退有行莫將自使其故何也曰禹始也
憂民救水到大越上茅山大會計爵有德封有功更
名茅山曰會稽及其王也巡狩大越見耆老納詩書
審銓衡平斗斛因病亡死葬會稽葦榔桐棺穿壙七

尺上無漏泄
畝尙以爲居
田一盛一衰
此者亦有因
美而告至焉
白馬禹井井
餘初封大越
徙治山北引
關東徙瑯琊
人戈船三百

人奉先王雅琴治禮往奏句踐乃身被賜夷之甲帶
步光之劒杖物盧之茅出死士三百人爲陣闕下孔
子有頃姚稽到越越王曰唯唯夫子何以教之孔子
對曰工能述五帝三王之道故奉雅琴至大王所句
踐喟然歎曰夫越性脆而愚水行而山處以船爲車
以楫爲馬往若飄風去則難從銳兵任死越之常性
也夫子異則不可於是孔子辭弟子莫能從乎

越王夫鐔以上至無餘久遠世不可紀也夫鐔子允
常允常子句踐大霸稱王徙瑯琊都也句踐子與夷
時霸與夷子子翁時霸子翁子不揚時霸不揚子無

走
卷八
疆時霸伐楚威王滅無疆無疆子之侯竊自立爲君
長之侯子尊時君長尊子親失眾楚伐之走南山親
以上至句踐凡八君都瑯琊二百二十四歲無疆以
上霸稱王之侯以下微弱稱君長

句踐小城山陰城也周二里二百二十三步陸門四
水門一今倉庫是其宮臺處也周六百二十步柱長
三丈五尺三寸霤高丈六尺宮有百戶高丈二尺五
寸大城周二十里七十二步不築北面而滅吳徙治
姑胥臺

山陰大城者范蠡所築治也今傳謂之蠡城陸門三

水門三決西北亦有事到始建國時蠡城盡

稷山者句踐齋戒臺也

龜山者句踐起怪游臺也東南司馬門因以炤龜又
仰望天氣觀天怪也高四十六丈五尺二寸周五百
三十二步今東五里一曰怪山怪山者往古一夜自
來民怪之故謂怪山

駕臺周六百步今安城里

離臺周五百六十步今淮陽里邱

美人宮周五百六十步陸門二水門一今北壇利里
邱土城句踐所習教美女西施鄭旦宮臺也女出於

羞也

浦陽者句踐軍敗失眾憊於此去縣五十里

夫山者句踐絕糧困也其山上大冢句踐庶子冢也
去縣十五里

句踐與吳戰於浙江之上石買爲將耆老壯長進諫
曰夫石買人與爲怨家與爲仇貪而好利細人也無
長策王而用之國必不遂王不聽遂遣之石買發行
至浙江上斬殺無罪欲專威服軍中動搖將率獨專
其權士眾恐懼人不自聊兵法曰視民如嬰兒故可
與赴深溪士眾魚爛而買不知尙猶峻法隆刑子胥

獨見可奪之證變爲奇謀或北或南夜舉火擊鼓晝
陳詐兵越師潰墜政令不行背叛乖離還報其王王
殺買謝其師號聲聞吳吳王恐懼子胥私喜越軍敗
矣胥聞之狐之將殺嚙脣吸齒今越句踐其已敗矣
君王安意越易兼也使人入問之越師請降子胥不
聽越棲於會稽之山吳退而圍之句踐喟然用種蠡
計轉死爲霸一人之身吉凶更至盛衰存亡在於用
臣治道萬端要在得賢越棲於會稽日行成於吳吳
引兵而去句踐將降西至浙江待詔入吳故有雞鳴
壚其入辭曰亡臣孤句踐故將士眾入爲臣虜民可

得使地可得有吳王許之子胥大怒目若夜光聲若哮虎此越未戰而服天以賜吳其逆天乎臣唯君王急剗之吳不聽遂許之浙江是也

陽城里者范蠡城也西至水路水門一陸門二

北陽里城大夫種城也取土西山以濟之徑百九十四步或爲南安

富陽里者外越賜義也處里門美以練塘田

安城里高庫者句踐伐吳禽夫差以爲勝兵築庫高閣之周二百三十步今安城里

故禹宗廟在小城南門外大城內禹稷在廟西今南

里

獨山大冢者句踐自治以爲冢徙瑯琊冢不成去縣九里

麻林山一名多山句踐欲伐吳種麻以爲弓絃使齊人守之越謂齊人多故曰麻林多以防吳以山下田封功臣去縣一十二里

會稽山上城者句踐與吳戰大敗棲其中因以下爲目魚池其利不租

會稽山北城者子胥浮兵以守城是也

若耶大冢者句踐所徙葬先君夫鐔冢也去縣二十

五里

葛山者句踐罷吳種葛使越女織治葛布獻於吳王夫差去縣七里

姑中山者越銅官之山也越人謂之銅姑瀆長二百五十步去縣二十五里

富中大塘者句踐治以爲義田爲肥饒謂之富中去縣二十里二十二步

犬山者句踐罷吳畜犬獵南山白鹿欲得獻吳神不可得故曰犬山其高爲犬亭去縣二十五里

白鹿山在犬山之南去縣二十九里

走紉言

鷄山豕山者
在錫山南去
里洹江以來
練塘者句踐
塘各因事名
木客大豕者
二千八百人
一曰句踐伐
官瀆者句踐
苦竹城者句

步因爲民治田塘長千五百三十三步其冢名土山
范蠡苦勤功篤故封其子於是去縣十八里

北郭外路南溪北城者句踐築鼓鍾宮也去縣七里
其邑爲龔錢

舟室者句踐船宮也去縣五十里

民西大冢者句踐客秦伊善炤龜者冢也因名冢爲
秦伊山

射浦者句踐教習兵處也今射浦去縣五里射卒陳
音死葬民西故曰陳音山

種山者句踐所葬大夫種也樓船卒二千人鈞足美

葬之三蓬下種將死自策後有賢者百年而至置我
三蓬自章後世句踐葬之食傳三賢

巫里句踐所徙巫爲一里去縣二十五里其亭祠今
爲和公郡社稷墟

巫山者越魍神巫之官也死葬其上去縣十三里
六山者句踐鑄銅鑄銅不爍埋之東坂其上馬箠句
踐遣使者取於南社徙種六山飾治爲馬箠獻之吳
去縣三十五里

江東中巫葬者越神巫無杜子孫也死句踐於中江
而葬之巫神欲使覆禍吳人船去縣三十里

石塘者越所害軍船也塘廣六十五步長三百五十三步去縣四十里

防塢者越所以遏吳軍也去縣四十里

杭塢者句踐杭也二百石長員卒七士人度之會夷去縣四十里

塗山者禹所取妻之山也去縣五十里

朱餘者越鹽官也越人謂鹽曰餘去縣三十五里
句踐已滅吳使吳人築吳塘東西千步名辟首後因
以爲名曰塘

獨婦山者句踐將伐吳徙寡婦致獨山上以爲死士

示得專一也去縣四十里後說之者蓋句踐所以遊軍士也

馬嘯者吳伐越道逢大風車敗馬失騎士墮死疋馬啼嘯事見吳史

浙江南路西城者范蠡敦兵城也其陵固可守故謂之固陵所以然者以其大船軍所置也

山陰古故陸道出東郭隨直瀆陽春亭山陰故水道出東郭從郡陽春亭去縣五十里

語兒鄉故越界名曰就李吳疆越地以爲戰地至於柴辟亭